



REPUBLIKA E SHQIPËRISË
KOMISIONERI PËR MBIKËQYRJEN E SHËRBIMIT CIVIL
DREJTORIA E PËRGJITHSHME E INSPEKTIMIT DHE MBIKËQYRJES

Nr. 874/11 prot.

Tiranë, më 18.11.2024

VENDIM
Nr. 72, datë 18.11.2024

PËR
PËRFUNDIMIN E PROCESIT TË VERIFIKIMIT TË EKZEKUTIMIT TË
VENDIMIT TË KOMISIONERIT NR. 23, DATË 07.03.2023

Në mbështetje të kompetencave ligjore të parashikuara në nenet 11, pika 1 dhe 14, të ligjit nr. 152/2013, “Për nëpunësin civil”, i ndryshuar, dhe Rregulloren, “Mbi procedurat e mbikëqyrjes/inspektimit”, miratuar me vendimin nr. 17, datë 11.03.2015, të Komisionerit për Mbikëqyrjen e Shërbimit Civil, (e ndryshuar), pas shqyrtimit të relacionit dhe mendimit paraprak të Drejtorit të Përgjithshëm të Inspektimit dhe Mbikëqyrjes dhe Drejtorit për Zbatimin e Vendimeve Paralajmëruese dhe Koordinimit, në lidhje me verifikimin e zbatimit të Vendimit nr. 23, datë 07.03.2023, të Komisionerit, “Për miratimin e raportit përfundimtar të mbikëqyrjes së administrimit të shërbimit civil gjatë realizimit të procedurave të vlerësimit të rezultateve në punë të nëpunësve civilë në aparatit e Ministrisë së Mbrojtjes dhe paralajmërimin e institucionit për të rregulluar gjendjen e ligjshmërisë”.

KONSTATOVA SE:

Me vendimin nr. 103 (567 prot.), datë 15.7.2022, “Për kryerjen e mbikëqyrjes në lidhje me zbatimin e ligjshmërisë gjatë procesit të vlerësimit të rezultateve në punë të nëpunësve civilë në aparatit e Ministrisë së Mbrojtjes”, Komisioneri për Mbikëqyrjen e Shërbimit Civil ka vendosur fillimin e mbikëqyrjes tematike në lidhje me zbatimin e ligjshmërisë gjatë kryerjes së procedurës së vlerësimit të rezultateve në punë të nëpunësve civilë në aparatit e Ministrisë së Mbrojtjes, duke vlerësuar respektimin e kërkesave të ligjit nr.152/2013, “Për nëpunësin civil”, i ndryshuar dhe vendimit nr. 109, datë 26.2.2014, të Këshillit të Ministrave, “Për vlerësimin e rezultateve në punë të nëpunësve civilë”, i ndryshuar, nga zyrtarët e ngarkuar prej ligjit për realizimin e këtij procesi.

Ky proces është përmbyllur me Vendimin nr. 23, datë 07.03.2023, të Komisionerit, “Për miratimin e raportit përfundimtar të mbikëqyrjes së administrimit të shërbimit civil gjatë realizimit të procedurave të vlerësimit të rezultateve në punë të nëpunësve civilë në

aparatin e Ministrisë së Mbrojtjes dhe paralajmërimin e institucionit për të rregulluar gjendjen e ligjshmërisë”, ku janë lënë detyra konkrete për rregullimin e ligjshmërisë.

Me kalimin e afatit të lënë në vendimin e mësipërm, institucioni Ministria e Mbrojtjes, me shkresën nr. 4425/1 prot., datë 11.08.2023, “*Relacion mbi zbatimin e rekomandimeve dhe sugjerimeve të Vendimit nr.23, datë 07.03.2023, të Komisionerit për Mbikëqyrjen e Shërbimit Civil*”, ka informuar Komisionerin mbi ecurinë e procesit dhe veprimet e ndërmarra në përmbushje të detyrimeve të vendosura në dispozitivin e këtij vendimi.

Në kushtet kur informacioni i dërguar nga institucioni nuk ishte shterues, Komisioneri, në datën 16 shtator 2024, i është drejtuar me anë të komunikimit elektronik Departamentit të Administratës Publike, duke kërkuar një informacion për të gjitha ministritë që i janë nënshtruar procesit të mbikëqyrjes me objekt vlerësimet e punës të nëpunësve civilë.

Mbështetur në detyrat e lëna në Vendimin nr. 23, datë 07.03.2023, si dhe bazuar në përgjigjen e institucionit dhe njësisë përgjegjëse (DAP), lidhur me veprimet administrative të kryera prej tyre, situata e administrimit të shërbimit civil në institucionin e Ministrisë së Mbrojtjes paraqitet si më poshtë vijon:

Në pikat 2-15 të vendimit objekt i këtij verifikimi, Komisioneri ka kërkuar nga subjektet e ngarkuara nga ligji me detyra të posaçme në administrimin e shërbimit civil gjatë procesit të vlerësimit të rezultateve në punë të nëpunësve civilë (*zyrtarët raportues, kundërfirmues dhe autorizues*) të marrin masat si më poshtë:

- Të plotësojnë hapësirat përkatëse të dedikuara për komente dhe shpjegime;
- Në rastin e vlerësimeve të pjesshme për shkak të largimit të zyrtarëve që duhet të bëjnë vlerësimin, zyrtari raportues zëvendësues që përmbyll procesin, të bëjë vlerësimin përfundimtar për gjithë periudhën 6-mujore të vlerësimit;
- Të identifikojnë kërkesat e nëpunësve të vlerësuar për trajnim dhe mundësi zhvillimi të veçantë profesional;
- Të hartohet një plan trajnimi me karakter të posaçëm për kryerjen e detyrave të veçanta që ju vendos zyrtarëve të vlerësimit legjislativi i shërbimit civil;
- Njësia e burimeve njerëzore e institucionit të përfshijë në Regjistrin Qendror të Personelit dhe dosjen e personelit formularin e vlerësimit për çdo nëpunës civil.
- Të sigurojë që të gjithë zyrtarët e këtij procesi të kenë njohuri të plota për realizimin e procedurës së vlerësimit
- Plotësimin e të gjitha ndarjeve të formularit të vlerësimit që janë konstatuar të paplotësuara;
- Përmbylljen e procedurës së vlerësimit për periudhën korrik-dhjetor 2021, janar-qershor 2022, për të gjitha rastet e evidentuara në raportin përfundimtar;
- Të tregojë kujdes në të ardhmen për arritjet dhe sjelljet e punonjësve për periudhën 1 Janar- 30 Qershor dhe 1 Korrik-31 Dhjetor për secilën periudhë vlerësimi.

Referuar përmbajtjes së shkresës së sipërcituar të Ministrisë së Mbrojtjes, nga ana e këtij institucioni relatohet se janë marrë masat administrative që lidhen me procesin e

vlerësimet periodik të nëpunësve civilë, të cilat janë reflektuar në vlerësimet janar-qershor të vitit 2023.

Sa më sipër konfirmohet edhe nga njësia përgjegjëse (DAP) në e-mailin e datës 14.10.2024, dërguar Komisionerit, ku theksohet se detyrat e lëna për vlerësimet e nëpunësve civilë deri në nivelin e mesëm drejtues janë zbatuar referuar përcaktimeve të akteve nënligjore në fuqi.

Në lidhje me rekomandimin për hartimin e një plani trajnimi me karakter të posaçëm për kryerjen e detyrave që ju vendos zyrtarëve të vlerësimet legjislativoni i shërbimit civil, njësia e burimeve njerëzore në këtë institucion ka informuar Komisionerin nëpërmjet shkresës së sipërcituar se ishin në procesin e hartimit të këtij plani sipas kërkesave të përcjella nga drejtoritë/sectorët e këtij institucioni.

Në pikat 16 dhe 17 të dispozitivit të vendimit, Komisioneri ka kërkuar nga Departamenti i Administratës Publike, në cilësinë e njësies përgjegjëse, të drejtojë procesin e vlerësimet për TND-në, në mënyrë që formularët e vlerësimet të plotësuar dhe të nënshkruar nga Komisioni Kombëtar i Përzgjedhjes, t'i përcillen zyrtarisht nëpunësve civilë anëtarë të TND-së, *****, *****, dhe *****.

Me anë të komunikimit elektronik të datës 14.10.2024, DAP ka informuar Komisionerin se përse i takon vlerësimeve për TND-në, ato janë në fazë shqyrtimi dhe diskutimi së bashku me ministritë e linjës për finalizimin e këtij procesi.

Për sa u parashtrua më sipër, vlerësoj se, nga ana e institucionit janë zbatuar detyrat e lëna në pikat 2- 15 të dispozitivit të vendimit.

Ndërsa sa i takon vlerësimeve për Trupën e Nivelit të Lartë Drejtues, nisur nga kompleksiteti i veprimeve që duhet të kryhen në këtë rast, si dhe nga organizmi specifik që duhet t'i kryejë këto veprime, bazuar edhe në pikën 4, të nenit 36, të Rregullores “*Mbi procedurat e mbikëqyrjes/inspektimit*”, miratuar me vendimin nr. 17, datë 11.03.2015, të Komisionerit, (e ndryshuar), propozojmë që pikat 16 dhe 17 të vendimit të jenë objekt i kontrollit gjatë mbikëqyrjes së radhës në subjekt ose mbikëqyrjes së orientuar që ushtrohet në vijimësi gjatë gjithë vitit, ku informacioni mbi ecurinë e procesit dhe realizimin e detyrës nga ana Ministrisë së Shëndetësisë dhe Mbrojtjes Sociale t'i përcillet inspektorit që e mbikëqyr këtë subjekt.

PËR KËTO ARSYE:

Bazuar në nenet 11, pika 1 dhe 14 të ligjit nr. 152/2013, “*Për nëpunësin civil*”, i ndryshuar; ligjin nr. 44/2015 “*Kodi i Procedurave Administrative i Republikës së Shqipërisë*” dhe Rregulloren, “*Mbi procedurat e mbikëqyrjes/inspektimit*”, i ndryshuar, miratuar me vendimin nr. 17, datë 11.03.2015, ndryshuar me vendimin nr. 158, datë 30.12.2022, të Komisionerit për Mbikëqyrjen e Shërbimit Civil.

VENDOSA:

1. Përfundimin e procesit të verifikimit të zbatimit të Vendimit nr. 23, datë 07.03.2023, të Komisionerit, *“Për miratimin e raportit përfundimtar të mbikëqyrjes së administrimit të shërbimit civil gjatë realizimit të procedurave të vlerësimit të rezultateve në punë të nëpunësve civilë në aparatën e Ministrisë së Mbrojtjes dhe paralajmërimin e institucionit për të rregulluar gjendjen e ligjshmërisë”*, për pikat 2 - 15 të dispozitivit të këtij vendimi, për shkak të rregullimit të ligjshmërisë nga ana e institucionit.
2. Konstatimin e rregullimit të ligjshmërisë nga ana e institucionit Ministria e Shëndetësisë dhe Mbrojtjes Sociale, duke zbatuar detyrat e lëna në pikat 2-15 të dispozitivit të Vendimit nr.23, datë 07.03.2023.
3. Njësia përgjegjëse, Departamenti i Administratës Publike, në përfundim të procesit të vlerësimeve për Trupën e Nivelit të Lartë Drejtues, të njoftojë Komisionerin në lidhje me realizimin e detyrave të lëna në pikat 16 dhe 17, të vendimit 23/2023, të Komisionerit. Realizimi i kësaj pike do të ndiqet nga Komisioneri në mbikëqyrjen e rradhës në këtë institucion.
4. Për këtë vendim të njoftohet njësia përgjegjëse, Departamenti i Administratës Publike.
5. Ky vendim hyn në fuqi menjëherë.

KOMISIONERI

Pranvera Strakosha